

cto cum aptitudine materiæ ad eam recipiendam; vel per
absentiam formæ in materiâ cum potentiâ proximâ ad eam.
Et hanc ipsam Privationem figmentum esse, ex eo constat,
quia locum habet nec in parte Generali, cum in hac tradan-
tur principia constitutionis, non generationis, hujus autem
Principium, sicq; adeò particulare, non omnibus corporis
naturalis speciebus competens, fatentibus ipsis Peripateticis,
sit privatio; nec in parte speciali, cum nec generationis sit
principium, hanc si penitus adspiciamus. Enimverò non
datur Privatio ante generationem, quia proxima potentia
& sufficiens dispositio ad formam nondum adest, imò for-
ma tunc adesse non debet; nec post generationem, quia
forma tunc adest, privatio autem est absentia formæ; nec
etiam in ipso generationis actu, cum generatio sit formæ
introductio. Adde quod si Privatio est principium, id vel erit,
quando est, vel quando non est; non, quando non est,
quod per se est manifestum; non etiam quando est, quia
tum non potest esse generatio, hæc enim non est sine formâ.
Formæ verò opponitur privatio, nec cum eâ simul consistit.
Privatio, scribit, *Adrian. Heereboord disput. select. 34. quæ
de formis est Prima th. 4*, figmentum est, quod sic ostendit
(assumit autem hypothesein Aristotelis de elementorum trans-
mutatione): In transmutatione aquæ in aërem, necessario
juxta Peripati doctrinam dandum est necessario aliquod in-
stans, in quo & non ante, forma aquæ recedit. Ut enim
generatio, sic & corruptio fit in instanti: forma siquidem est
indivisibilis & tota accedit, receditq; in momento. Bene
habet. Ante illud igitur instans in aquâ nulla erat priva-
tio, jam verò cum avolat forma aquæ, advenit aëris forma,
vel in eodem instanti, vel in diverso. Si in eodem, nulla
intercedere potest privatio, siquidem ante illud aqua non
erat privata formâ suâ, & in illo instanti admittit formam
aëris: itaq; hoc pacto concidit privatio. Sed oritur inte-
rim major difficultas. Quomodo in uno & eodem instanti
eadem materia aquæ possit habere duas formas específicas aquæ
& aë-